



831000

六一堂文集卷二



六一堂文集目錄

卷二

例贈文林郎張敬之傳

孫文敏傳

孫節婦傳

紀秋水傳

乞節婦傳

孫孝婦傳

劉鶴亭傳

六一堂文集

卷二目錄

曹敬之傳

魯檻泉傳

王孺人傳

劉楚珍傳

張曙升傳

劉霞峯傳

尹節婦傳

遊駝山過雪記

葦嶺村記



晚山堂夢趙炳文記

方臺記

觀蠶姑廟古槐記

與友人讌集憶劉漢清記

重修龍泉寺碑記

馬家埠文官果記

馬陵臺記

李節婦碑

楊節婦碑

六一

堂文集

卷三目錄

胡節婦碑

書劉節婦碑陰

孫禹門殉節碑

誥封雲騎尉邱公殉節碑

六一堂文集卷二

益都李煥然堯

文撰

例贈文林郎張公傳

公諱師文字敬之號顯西一號械樵姓張氏壽光人
會祖崇德祖甸父慶宗字餘軒皆有隱德至公性和
厚能容人過失與之交渾渾穆穆不露圭角其淵然
以深淺見者莫能測也公爲餘軒公晚子少穎悟父
鍾愛之弱冠能文應童試有聲然卒不售嘉慶丙子
餘軒公感痰疾公與婦徐孀人符側晝夜不離每痰

六一堂文集

卷二

一

噎以手承之疾踰歲咳唾未嘗至地其至性有如此
餘軒公歿公寡母孤兒相依爲命族中無賴子利其
田產百般凌奪偶不滿意輒登門怒詈狃語哮聲鄰
舍爲之塞耳公坦然安之弗顧也嗣是家益落篋豆
屢空窮不自聊且虎狼窺伺蔓延未熄公闢小園半
畝築斗室其中食貧自力以謀朝夕每拮據餘暇手
執一編消遣世慮客至春韭秋菘麻話舊是時於
陵寂寞猶然達士胸襟也晚年訓子弟讀蒙書口講
指畫媿媿不倦其課業尤重小學以是遊其門者孝

弟謹信動有儀法論者謂深得孔門遺意焉公貌清
癯秀骨稜稜每爲文筆意瘦削如其人素善病及革
家人涕泣訣別公恬然一如平日曰俯仰無憾死
亦何懼其顧命云謹身寡過學吃人虧是余志也言
已而瞑得年四十有人嗚呼昔賢有言小曰死君
子曰終若公者其庶幾矣公少孤力學亦慨然有用
世之志及終不遇擇前言往行有益勸懲者彙爲一
書名之曰醒世良言公卒無力剗廁藏於家公子二
人長椿齡字壽山中同治壬戌鄉試篤學有父風是
當能繼公之志者

論曰公以儒生謹庸行敦氣誼樹人品所謂古之學
者非與而抑鬱窮愁卒未及下壽歿豈天不欲昌古
學於世耶何遇之窮也傳有之非此其身在其子孫
余與長公稱莫逆交其人淵雅博通著述甚富家學
淵源當必大著聞於世然公不逮矣語曰有志無時
命也奈何悲夫

孫文敏傳

孫文敏邑之孫家莊人少失怙恃育於伯父鼎玉剛毅有膽略幼入塾同學偶有觸忤輒奮拳毆擊師屢戒不悛伯父憫其孤愛憐之或以告則曰快牛必能破車吾且小忍也稍長益縱達不拘細節然事繼母孝承顏順志唯唯聽命值盛怒母至則解視異母弟友愛尤篤伯父以是心竒之年弱冠厭棄儒生業使酒好劍喜談兵酒酣語及古名將擒王破陣事恒拔刀起舞氣勃勃不可遏伯父大喜益竒之咸豐初南

寇不靖鼎玉公董團練事辛酉二月賊東掠諸父老議出兵防淄河口鼎玉公以年老欲覓一勇者代之行難其人文敏聞之請行公許之毅然往不告家人遽搖鞭上馬去至河賊半濟文敏擊其前鋒首殺數十人賊稍卻須臾鄉兵亂賊大隊齊至死傷遍野時同事者健兒盡矣文敏奮臂大呼所殺過當賊以矛刺之洞其胸猶尸不僵兩目直視凜凜然有殺氣賊恨甚支解之寇退家人收其骨具棺衾瘞焉文敏妻魯氏遺孤僅二歲無力請旌故卹典亦不之及嘻可

孫孝婦傳

孫孝婦姓韓氏世居古斟之韓家村爲 例贈儒林
郎韓若濂女同邑孫華遠妻也婦生而聰慧言笑不
苟六七歲時父覽長孫后女則書僂摘一二指解之
婦輒會意及長喜人談閨閻節烈事或慷慨或從容
每一言及恒設身處地淚簌簌下父以是愛重之年
十七歸華遠甫入門尊翁已不逮養事孀姑馮孺人
四十年孫氏家故饒給至華遠爾中落婦吞糠嚙糗
疏水承歡寡如也姑晚年病痺不良於行婦日侍牀
六一堂文集 卷二 十一

蓐每食上手調甘脆以匕箸親進之歷數歲無倦容
咸豐辛酉九月寇大至村人置砮守馬陵臺壬寅之
夕烽火連天綿亘十餘里村民大驚各倉皇遁砮中
以免華遠抱母大慟曰母病革矣氣息奄奄幾不可
易簣奈何婦曰姑忍死延陵夷嗣萬一遇害恐一線
斬矣婦養姑者也君且避妾留以待姑其濟家之福
也不濟而以死繼之亦婦職也君行矣時馮孺人亦
促之行華遠於是忍淚攜家去明晨賊騎突入擄孺
人索金帛不獲賊拔刀擗牀上鏗然鳴時婦以身蔽

姑側賊怒以刀揮之婦挺然不少動賊怒甚連斫之
姑死而婦亦垂斃矣午後寇退華遠歸子孫男女畢
集婦瞿然曰呼死生命也死而親無廢養子無廢嗣
世葉無廢主死之義也汝輩勉之吾今而後可以侍
舅姑地下矣言訖寔然歿

外史氏曰韓氏系本昌黎續道學的派婦爲余友立
正胞姊立正爲壽邑廩生性方鯁以學行顯蓋一脉
然也其能伸大節冒白刃卒能使孫氏宅里與唐鄭
義宗宋歐陽希文並著有以哉有以哉

紀秋水傳

紀秋水余門人也弱冠補諸生能文章務達理不求苟悅於時與劉漢清趙麟經李本樞等共筆視試常居下秋水曰聖賢學在養氣不盲其生不忝其死儒行也今人一服儒衣奄奄欲絕徒區區弄毛雞以覓園冊較短長非吾志也以此士林重之辛酉之春河南盜竄入吾境官軍戰不利轉掠而東過牛山渡淄水沿路村民大驚各鳥獸散秋水衣冠朝其母曰母老矣兒不能邀升斗之祿以俱餘年罪也今寇深矣

六一堂文集

卷三

七

兒身列庠序義不可辱恐不得朝夕侍慈顏矣言已遂大慟母曰讀聖賢書所學何事兒能不降志辱身以作士林羞吾有子矣何效兒女子涕泣爲秋水謝而退翼日晨起賊騎突入牽廐馬以出遇秋水驅使執鞭秋水叱之曰吾恨不斬汝萬段豈肯爲逆賊僕隸耶賊怒以刀斫之右臂傷且斷矣猶以左手指賊厲聲罵不止賊怒甚又斫之乃仆而死

外史氏曰余讀明史至秀才許某死節事竊疑書生無官守而涇涇若此愚矣雖然吾見近今諸名士中

則免逸貞寘希圖幸免廣營三窟迨國事敗而家隨
之猶戀戀守金帛以死生而不義死則已焉耳秋水
一貧諸生而奮不顧身就死如飴使其膺一官効一
職帥偏師以修對疆其慷慨義氣豈出張睢陽顏杲
卿下哉惜乎積不爲世用而余又愧無史公筆不能
使烈烈英魄得附死節之傳以爲士林增重也悲夫



乞節婦傳

節婦宮人也傳者軼其姓氏道光甲午其父某攜家徙吾邑稅屋而居時婦年十五修潔明靚舉止端方言笑不苟尹姑遺範宛然可想第主人亦寒士有子少小能文與婦同歲生某仰其聲望遂許字焉及合卺琴瑟甚敦事舅姑左右就養恪執婦道舅姑愛憐之逾年舅歿又逾年夫以暴疾殞婦與姑茆茆相依室徒壁立生計日窘婦提筐乞鄰里中旦往暮歸日僅一餐然婦奉姑益謹姑亦心慰後十餘年姑歿歲

大饑婦貧益甚恒數日不食或諷之嫁婦曰餓死事小失節罪大吾非敢苟活尙有待也不然身填溝壑久矣忍有貳乎聞者悲其志爲之泣下初婦姑死遺一女年十四矣婦視之猶女葬姑後竭力營生如姑在時越二年嫁有日矣婦爲親製衣履又出己所貯嫁時衣悉以授女曰嫂力竭矣今而后庶可見地下人也及親迎送之出門洒淚而別婦自小姑嫁市紙錢祭夫墓兼告舅姑至慟哭幾絕里中婦女勸之歸又隨婦至家百計慰解言語絮絮至夜深乃去詰旦

鄰人見其外屣屨疑焉排闥入則婦投繯絕矣是時
婦年三十有七

論曰易有云恒其德貞言從一而終也然按

功令夫死而殉者不概三施委蓋蓋考字紛奉祭持
家婦有責焉不得以死自了也若婦者送往事居慎
始敬終萬全無憾卒以節死所謂從容就義非耶夫
以婦大節卓卓例當不朽意必有大人君子作爲著
述以聞當世而其事卒不傳何哉余聞門人張魯齋
言吾青增修舊志其時以節孝聞者皆以貫入志否
則置不錄嗚呼世運之變至史筆亦如此可勝歎哉
可勝歎哉

孫節婦傳

節婦姓趙氏邑趙景雲先生女年十七歸處士孫
舉鷄鳴戒旦伉儷甚篤歷十有二年毀舉卒婦年
十九歲而寡姑素多病以喪子故病日劇恒喘息
尊閒婦奉事左右晝夜不離如是者十餘年子四人
夫歿時伯年十二婦爲延師館於家每膳必豐必潔
皆手親理之時典釵笄供饋脩費弗惜也越數年婦
秉家政綜理精密內外肅然兒仲與叔年亦長矣婦
課之力農猶內治潔清躬操作爲子婦率晚年家計
六一堂文集

卷三

五

丞丞里稱富饒長君入禰庠有聲季亦應童子試婦
乃喜躍然曰吾今而後可以謝夫子地下矣由是垂
簾晏坐弗及外事舍館弄孫陶然以老人以爲貞節
之報云

論曰女子以身事人不幸而失所矢志靡他
有死無貳善矣然其間慷慨激烈揆之代終之義或猶有
缺焉若婦者持家訓子殫忠竭智必至萬全乃已非
志行有始終者能然與余與孫有世講嘗見其諸子
兄弟間伯仲怡怡動有儀法論者以慈訓之嚴方之

景讓程伊川殆近之矣

劉子... 蘇... 友也學博而好奇... 喜... 脫稿... 無人者家貧甚柴門曲徑蓬蒿没人略不... 慶康... 童試有司輒抑置之困... 於... 辛公補博士弟子自是益... 外... 試青得君... 冠名...



乃... 然曰... 子地下矣... 簾星... 弗及外事... 陶然以老人... 之報...

論曰女子以身事人不幸而失所天矢... 靡也... 無貳善... 然... 間慷慨激烈... 之代終之義... 有... 欽... 若... 有... 則于... 殫... 竭... 智必至萬全乃已非... 志... 有... 終者... 能然與余與孫有世講... 嘗... 見... 子...

兄弟... 論者以... 之

劉鶴亭傳

劉君鶴亭字蘇題余老友也學博而好奇少讀書不喜時藝好爲詩古文騷賦筆意似孫可之段柯古每脫稿讀者或不能句而君意氣突兀顧盼自豪旁若無人者家貧甚柴門曲徑蓬蒿沒人略不一顧自嘉慶庚午應童試有司輒抑置之困躓十餘年始受知於筠谷辛公補博士弟子自是益博覽羣書閩中肆外深博無涯矣戊子學憲題公試青得君水仙花賦大異之拔置第一爲十一學諸生冠名聲大振士林

六一堂文集

十三

指數謂當立階上第然性偏強秋戰屢北或勸其俯就君不答惟仰面看屋梁而已厥後貢入太學絕意進取君齒亦逾艾矣秋冬餘暇間以詩文質余余讀之文詞華典麗大半沿六朝餘習無足多傳惟詩匠心獨運指揮如意有王者氣是其不可沒者君以不與時調合放意肆志所爲多不中程度嘗狎一妓脂粉不潔過者爲之掩鼻君暱之謂毛嬙西施俗眼固不識也其任誕多類是晚年學長生術每旦肢體屈伸向日吸氣冀延其年不數歲髮禿而背僂齒有墮

者既又博通岐黃星命諸書歲八月偶遇疾既革諸
友人往問之猶力起話舊娓娓談神仙事越次日竟
卒

論曰歐陽公謂道家爲貪生佛家爲畏死達哉其言
之也世儒恣情任意放浪形骸至謂禮非爲我設及
老且衰乃惑仙佛之說以徼倖於不死謬矣君以若
所爲求若所欲其亦若人之儔與雖然余聞君易簣
時宴然無所苦瞑目深息含笑而歿則世所云飛昇
脫離之事或亦有之

曹敬之傳

亡友曹君諱憲臣字敬之益都著姓也會祖諱鑑字光遠中乾隆己卯舉人任東平州學正以理學名當世祖諱明水字月泉歲貢生月泉公子七人皆以文名諸生間其仲諱桂字丹園附貢生君考也君生而謹慎弱冠失怙有至性辟踊衰號見者多泣下值母魏孺人寢疾日侍牀蓐未嘗斯須去以醫藥進必親嘗之累數月不解衣病愈又十年以壽終情與禮兼盡焉嗜讀書執禮好讓口不言人過然義所不可則

踴厲風發侃侃無所撓士林咸敬憚之又慷慨喜施與睦宗族恤親黨其有婚葬不能舉每傾貲助之遇歲歉鄰里稱貸皆聽其自償雖巧詐者亦置不問也晚年君長子補諸生有文譽君掃除一室積書史其中不時臨課論者稱其有燕山遺風焉君敏達有識鑒咸豐初南寇不靖君董團練事辛酉二月寇東竄鄉人議率眾防淄河口君曰鄉兵出不以律與烏合無以異驅之戰是先自潰也吾輩身無官守但互爲守望誓不從賊足矣勿貪功也時聞者謹受教二十

日晨起賊笑至鄉兵各散走賊智君索金帛弗與賊
懼以兵屹然不少動既又迫之降君厲聲曰吾累世
詩禮家肯從汝賊耶卒不屈死

論曰余與君未識面按其狀特羸身寡過恂恂然一
書生耳而叱逆賊蹈白刃卒以全節終抑何磊落奇
偉也余憶爲籍生時與君諸前輩教遊理學淵源會
一窺其涯涘蓋培植者深矣其能發身成仁臨大節
不可奪有以也夫

魯檻泉傳

魯君諱泮芹字檻泉益都人祖諱德修字來遠由郡城遷城北之王家莊遂家焉父諱有字師若配呂氏君其仲子也君生而謹樸與兄泮林從師學循循雅飭退然若不勝衣然性豪邁抗論古今忠孝節烈事慷慨激昂涕泗交下每曰見危致命儒生之義奄奄作兒女子態非夫也時同學者咸異之君少能文應童試不售遂歸恬家亦落落遂棄去是時母春秋高矣日侍左右色養無間君於兄唯唯聽命事若嚴

六一堂文集

卷五

十七

君雖析箸出入周旋同氣之誼謫如也厥後家漸裕三男子次第生皆秀慧君由是春秋餘暇課詩論文思一用其所學而禍作矣歲豐辛酉之春南寇入吾邑附近居民避城中以免君以母老多病不敢輕徙二月戊寅賊突入裔其母索金帛不獲遂遇害君憤而前挺擊一人仆地賊怒刀中其頰血淋漓滿衣襟猶奮臂疾呼闕蓋乃賊恚甚蜂擁而集鉞交於胸擊焉少頃配李氏傷三子以戰死婦女皆投井死而居室人無噍類矣君嘗曰寇退鄰里畢集收其屍李氏

益劇旬餘亦不食死族人立其姪爲君後禮葬之時
同死者君長子瑄次鉦季方十餘齡未名也女五孫
男一孫女一冢婦馬氏庠生馬玉相女仲婦姜氏始
姜之死也不獲其屍衆疑爲賊所虜百餘日修井乃
得之盡孳守身之訓其伏節最先恐以年少婦罹鋒
刃受迫徧也噫可哀也已

論曰君累世積善家而以流寇荼毒幾於族滅豈天
道不可問耶何遇之慘也余讀太史公列傳每至天
道憤憤輒憤懣鬱結怒髮上衝冠旣而觀古今孝子

六一堂文集

卷二

十八

忠臣義夫節婦其名不朽者其禍亦最烈范孟博母
有言既有令名復求壽考可冀得乎余又爽然自失
矣

王孺人傳

孺人姓劉氏邑民劉作章女年十九歸同邑王昌齡
昌齡故貧家世業農孺人生子雪堂幼使從塾師讀
敏而嗜學師異之及長父憂貧令其改業孺人不可
躬操作以紡績佐脩脯費簪珥衣物典質一空人或
迂笑之孺人弗顧也道光間歲飢昌齡粥其田廬以
徙是時雪堂十餘歲孺人防閑愈謹卜居擇鄰一投
止不敢苟常曰習俗移人吾懼其以匪人傷也其深
心如此晚年歸昌齡亦尋卒孺人買隙地築斗室居
六一堂文集

卷三

十九

焉雪堂有文名應府縣試皆冠其齊學憲趙公試青
以第一人補諸生孺人年過六十尙健雪堂亦孝謹
自是忘饜繩樞陶然以老云
贊曰詩有之無非無儀惟酒食是議此言婦人以無
能爲德也雖然此特爲庸庸巾幗處常處順者言耳
若孺人者相夫子甘貧賤其始於流離患難中思深
慮遠與孟母事相類而有意竟成卒能以子振其家
此無論閭閻當亦丈夫之錚錚者矣

劉君實善字楚珍余老友也其先世巨味人至君徙
邑北鄙之夏家莊君少負異才未嘗從塾師學以貧
故從人習商賈業其始能通點畫記姓名人未之奇
也厥後漸通四子及六經諸書講解文義獨杼己見
輒與古傳疏意合余大異之初君父諱懷誠公性揮
霍視財如糞土與人交恒爲巧詐者所中君常婉諫
之父改悔折節謀治生君亦設肆郡城歲以貨通
淮間家益饒後父歿君周人之急慷慨有父風然

交際嚴取予出入皆有準嘗遇歲大祲出粟數百石
凡有稱貸量戶口給與不以厚薄異明年歲稔人不
感其施之厚而樂其惠之均也其智計如此歲豐初
江南亂商賈道多梗君曰人苦不知止余以匹夫致
千金足矣遂歸築斗室積雜書其中尤好讀歷代史
每爲人稱說褒貶予亦剛直之氣見於辭色論者於
此覘性真焉晚年優游林下欣然意得出則約一二
知交杯酒話舊入則課子弟讀蒙書過其庭聞聲
琅琅滿四壁往歲君訪余於對山堂酒酣謂余曰

一知已可以不恨君爲我撰述生平以告當世吾不
煩後世誌銘矣余感其意爲之傳

論曰余交君幾四十年君不妄言不濫交片語相訐
久要不忘殆言之經經者與雖然余憶寓居郡城
時見賈人皆刻深罔市利以君樸誠市爭趨之故其
息倍焉夫人之所信天必佑之君之膺多福衍餘慶
其來有由然哉

張曙升傳

張君曠東字曙升其先壽光人曾祖元興徙吾邑之趙家埠祖超父惺一累世業儒詩文授受舊有家傳至君生有得才弱冠時師事王康侯先生先生爲邑名宿出其門者數十人每歲藝敏捷而工無出君右者應童試受知於邑侯莫公會首拔之嗣後試朝前列然卒不售設童蒙帳教不惑等酒場應對備有儀法誨以文務遠理不作艱深語駕輕車就熟路加之欲其與揚之欲其明廉之欲其節疏之欲其暢盡取

六一堂文集

卷二

十一

言易人意易曉也晚年退與鄉人處講信修睦排難解紛每遇事鄰里間咸遠平焉咸豐辛酉邑有警君約鄉村父老首倡以守秋八月寇至率健者數百人禦敵整部伍修戰備親犯霜露晝夜巡邏兩閱月不少休十月寇退村中男婦皆無恙而君病矣余與君同歲生昔年知交大半物故在歲過君於友人座上君病益憊杖而行語言多失次以傷之酒罷謂余曰吾年七十而無聞其終也已子爲我點綴生平存之集中幸及余之見也余悲其積勞之傳

論曰君積學幾六十年而白頭碌碌卒困於童子軍
文章憎命有如此乎惜矣雖然君存古道開來學余
嘗過其里後生小子循循雅飭強半稱門弟子嗚
呼道學遺範卽此是矣又何必附先賢名士而後能
聲施後世哉



卷二

五

蘇東坡書

蘇東坡書

蘇東坡書

蘇東坡書

劉霞峯傳

吾邑劉君冠雲字霞峯篤行人也其先由高曾而下
孝弟力田世有家法祖諱永成字韶九父諱克謙字
子益皆以積學老布衣間至君性謹慎厚重方嚴和
而不失其介與人交落落穆穆罕有以窺其微也君
嗜讀書弱冠能文四應童試不售旋失恃遂絕意進
取母歿時太翁亦垂垂老矣時弟一人尙幼妹三人
君綜理精密勤耕耨完婚嫁外內之間井井如也道
光壬辰太翁卒君恪遵遺囑積贏餘具束脩俾弟就
外傳不給則以妻織紝佐之妹適徐氏家中落貧不
自聊君粟米布帛不時饋遺歷數十年不懈室人或
沮之君曰吾受先人之治命弗忍違也晚年子男二
人皆克自樹立長補諸生循循雅飭恪謹有父風君
每春秋佳日集鄰里有齒德者杯酒話舊陶然永夕
又樂善好施親戚族黨多被其惠往歲邑大夫舉鄉
飲禮以君爲介賓由是邑人士益重之以君厚德醇
修比之劉善明云

論曰世儒以科第了讀書事故往往身列華廡內行

負愧者多矣君以儒生篤庸行初若平平身體之實
有終身不克副者昔孔子以孝弟爲士之次君殆其
人與殆其人與

尹節婦傳

節婦姓孫氏父成亭壽光人蓋都文童尹鐸妻鐸字振聲循循雅飭婦年十九同心阻勉琴瑟甚敦越四年振聲卒子在涓尚強裸婦焚香告靈柩前誓以死從舅姑急止之曰婦若此呱呱者將奚託汝勿益爾老人悲也乃止葬及期婦毀瘠骨立哀動路人弔者皆揮涕去婦性孝謹事舅姑幾四十年夫死時舅年尚強姑多病婦日侍牀弄爾踰歲無倦容及歿連事三繼姑不失婦道馮氏姑死遺一女舅卒時其李子六一堂文集

卷二

二十六

幼婦皆躬親撫養俾至成人蓋不忘舅姑遺意也婦處婦嬖間備有禮法振聲兄弟三人兄早卒嫂亦相繼逝遺一女僅數歲婦衣履縫紉視同己出蘇後節序饋遺幾無虛日又好行其德在涓出就傅以族子姪伴之讀束脩之費皆出其手由是在涓弱冠能文出應童子試餘亦姁好靜秀彬彬稱盛皆婦力也婦今年六十餘學憲爲請旌於

朝歲春三月得奉

勅建坊並准題名人節孝祠

贊曰婦人之道貴乎全節然其間困躓艱難類有非

常情所能堪者婦以弱女子優爲之豈非其尤卓絕者與易有之无成有終妻道也若婦者可謂得代終之義矣其卒能光增門閭雖施後世宜哉



遊駝山遇雪記

癸丑冬十月二十一日及門曲文光趙炳文者邀余
爲駝山之遊取道自五里堡而南山田相接麥隴縱
橫若方罫行里餘有郵曰溫家圈郵枕山麓岡嶺四
合隱然如環澗水西來隨勢曲折而下入其境山翠
襲裾泉流聒耳牆外果林霜葉落紅滿徑余顧而樂
之然初未見有駝山也村南有石橋略足通人過其
上層巒疊嶂峻絕不可升沿溪而東行如蟻旋窄僅
容趾踰數里峰回路轉始指異之循山足而登焉山

六一堂文集

卷二

五

橫亘三面盤踞作駝形身首宛然遙睇益真東角有
槐從石罅出大可拱把其下巨石平曠略足盤桓小
憩其上俄見西北山雲突起瀾漫無際山上樓閣皆
隱隱在煙霧中余乃攝衣急上徑登絕頂至山門而
雪作矣院宇荒寂室無几榻道人掃神祠迎客香楮
殘灰氣息穢雜須臾雪大至望西南諸峯飛花舞絮
銀海茫茫下視重巖疊壑村墟籬落數武不辨少頃
北風暴作挾纈猶寒凜乎其不可留也日暮天稍霽
尋故徑而下石磴礧确足底泥滑數步卽一傾跌行

六七里誤入石子澗澗大石當中流沿岸峭壁懸崖
怪石矗立如猛獸奇鬼屹然作相向狀將至澗口山
溜衝激與繩水合有奔騰澎湃之音昏黑中爲之骨
栗由渡口折而北天色暝迷雪集爲叢撲面如簇道
經法慶禪林蒼松古柏之中風聲愈厲是時余倦甚
幾不能步炳文興猶豪遇險絕輒爲前導余戲語之
曰古人遊覽山水必窮極山水之勝今余遊駝山尙
未識駝山面目遊興得毋未暢乎對曰勝境何常遇
達人輒爲意得茲於雪中見駝山余更識此山雪中
面目也於遊乎何憾焉余聞而喜謂少年乃能作爾
語不愧雅人因憶安青士蒼茫風雪壓雙肩之句吟
詠再四至門雪水淋漓衣履沾溼急命僕烘爐熾炭
洗盞對酌相與極歡至夜分而罷

茅峪村記

郡城西南皆山辛酉春二月南匪竄入東境環城居民多匿山谷中以免踰月寇退友人曲君耿光謂余曰入山必深保身之智也然有善夏萃處地有盜賊逋逃藪君子慎焉余有族伯亮齋家茅峪向曾避亂其地山川瀟灑里有仁風佳境也余聞而慕之仲夏君偕予同往由城西門度陽水過古廣縣地行數里取道而南迤邐行石徑一線荆棘叢雜入山口豁然開朗駝山之麓隱隱有小郵落懸崖峭壁澗水環焉

六一堂文集

卷二

三

則茅峪也余與君攝衣而上見籬門幽巷斗室蝸虛男女衣履悉如外人到門亮齋年七十餘矣遲顏皓髮修髯拂拂翛然有高人逸致其家爽塏闔居宅西隙地爲圃植桃李數十株垂陰結子依垣離立扉南向中結茅數間豆棚瓜架隨地位置皆有天趣由其中以望繡閣簇簇奇峯錯錯外無涯際近則山花綽約挹露含香惹人衣袂是時迴憶闌闌罽塵不啻天上矣午後烹齋邀馮修業昆仲憩村南山陰下核桃一株蔭可半畝村中人聞客至摘園蔬攜家釀合少

長五六人踞石團坐北風徐來輕涼透肌余與諸君
子觥籌交錯問晴雨話桑麻語不及當世事酒酣夕
陽西下暮色蒼然自遠而至此時心凝形釋真覺此
中樂難爲外人道也晚宿亮齋家晨起宿霧冥濛蒸
烝如金上氣瀾漫山谷惟灰山南峙單椒秀拔出雲
霧上咸指異之少焉曉日東升歸雲擁樹余與曲君
北旋村中諸少長捧襟把袂戀戀不忍別出村北里
許揖而去余兩人出山口東行道經城隍廟郵翁里
媪往來穢雜卻顧來徑層巒疊嶂樹色迷離轉瞬之
間仙凡迥隔又大似武陵人迷洞口回桃源棹時矣
時咸豐辛酉五月二十五日也

余自顛經其後故人多疎門人趙炳文其人少聞道
可與商古人素患難行乎患難之義雖別且數年相
見無幾然魂夢中時惓惓不置也歲二月寇大至君
移家避西山別墅踰月始返夏五月余亦與友人有
棲隱之約卜居茅峪未果秋八月寇大諸由渠邱西
掠君又避居郡城余困守村寨兩閱月不相問聞冬
十月寇退余仍赴前約遊廩邑諸山友人招飲晚山
堂酒罷孤燈相對人影寥寥因憶兵火搶攘中親戚

六一堂文集

卷二

三十一

故舊聚散離合邈不可知炳文去予家僅四十里而
或死或生忽存忽亡傳語訥訥疑信相半離索之際
真有慘不忍言者少焉皎月在窗霜氣逼人余小極
和衣就石牀卧甫交睫夢炳文來吾前省起居道契
關感歎嘘唏悲不自勝余語之曰吾老矣瑣尾流離
未知作何究竟驚異日幸獲生全再見故人蒙難始
末當爲我記之言未已不覺泣下聞犬聲驚而寤枕
席間泪猶盈盈垂也越翼日北歸爲友人言及輒爲

黯然辛酉十有一月八日記

方臺記

余村距郡城四十五里邑東北鄙分界地也村東有臺曰方臺志載其名然其由來不可考臺址大畝許隆然如堂基銳而高約可三仞陟其顛拜如祇四隅方削縱廣各七八尺可坐數十人臺蓋以是得名臺下地平曠無山陵潤澤足供盥桓是臺兀然出平地上夏秋麥禾爲田耕耨之所冬春雪霽豁然開朗村墟籬落際天無垠尤可瞻眺值佳節令辰風止兩收令每邀鄰里三五人飲酒游歌其上俯臨洱水烟

六 臺文集

三三三

渺蜿蜒東望城南諸山劈駝雲門綺綰繡

巒層巒歷歷朝出如畫久之夕陽西下月映前

心凝形釋嶢然塵表是時真覺坡公之超然不是

昔余輩無東坡之記子由文與可兩賦以爲此

臺生也耳昔人有言美不自美人而彰余嘗披覽

輿圖見披經臺以老子傳也文雅臺以孔子著也下

此少陵臺鳳凰臺以李杜詩人顯也他若楚章華魏

銅雀以及眺蟾望鶴諸勝雖五仞三休礙日凌雲無

古名人著撰點綴其間千秋而下直頽然一土邱耳

柳子厚云蘭亭不遭右翼則清湍峻嶺蕪沒於空山不信然歟余村去紀城八里臺與紀城北故臺東西對峙昔安先生拙石齋紀臺燕遊記感慨淋漓俯仰千載迄今去先生幾二百年風流已邈勝境猶昔余居去此臺僅半里友朋講集咸凡數登然登高臨流操觚染翰未見如先生其人者卒使巍峩孤揭湮沒於灌木叢莽間是其果有遭乎余誌之所以悲茲臺之遭也同治壬戌二月二十二日榆村記

觀蠶姑廟古槐記

道光辛卯之夏余同王君建編蔣君培元王君清芳
以事適壽光城道經蠶姑廟廟規模卑隘僅兩楹然
院宇修整可供遊眺內有垂槐一株高及肩圍可合
抱枝葉紛披縱廣丈餘蜿蜒勃勃蔭覆牆外時值盛
暑余與三君憩其下席地圍坐涼風颯然炎歊不入
放翁句云清風掠地秋先到赤日行天午不知若爲
此樹咏也同治壬戌夏四月余復過其下廟宇傾墜
四面牆垣久已圻毀樹半枯死老根歎倒村人砌磚
六一堂文集 卷二

石支其頂亭亭如桂枒腹空洞蒼皮斷節萌蘖之生
細不盈指時王清芳亦偕余至指而歎曰是樹也余
輩乃親見其盛衰如此哉余聞之適然警懼然覺因
念昔日同遊建編已死培元亦老病余面皺髮宣年
幾七十清芳亦齒逾艾矣古人云樹猶如此人何以
堪又云所遇非故物焉得不速者嗚乎盛衰修短之
理觀此可以悟矣乃爲之記

與友人讌集憶劉漢清記

同治壬戌冬十月十有三日余以事至城北之袁家村亂離之後昔年故人邂逅相遇執手甚懼座客有劉紳者故門人漢清仲弟也紳爲余言吾兄死嫂孺人有賢行其子甫週歲去年其子又殤余聞而悲爲之泣下因憶漢清以咸豐五年八月卒享年三十有五卒之七日葬其元人墓側葬之日余次其行而誅之同學諸友人相與臨穴視窆且封哭而去迄於今八年矣初漢清從余遊鏡湖進取學爲文平易通達

六一堂文集

卷二

三

有正嘉人筆意時學校未荒吾青諸文士會文於雋松院君與日相往來後先角逐試輒冠軍余厚望之歲已酉學憲馮公主試山左貢士公少掇巍科文名冠天下至青所選拔適皆當時知名士君其一也君生而豪朗與余作忘年交素好遊喜名山水乙卯三月偕余眺花林過石澗登駝山絕頂酒酣脫冠垂頭髮十白其七余異之謂君僅逾三十而血氣之衰若此恐非壽徵然猶以爲君胸中浩然無萬事之勞百憂之感當不至以此殞其生也而君則以是年死矣

余聞之天道無親常與善人君性孝友敦大節家素
富厚而好學自力甚於寒儒君可謂善人非耶善人
而卒早夭且無後儻所謂天道其可問耶嗟嗟死生
夭壽今古難憑君之中年無後而死命也余令病且
衰而不死亦命也以君之中年無後而死過余之病
且衰而不死是亦命也何則修短隨化同歸於盡死
之後先亦何足道惟是師弟之親平生之舊異日或
得託文字以傳則君猶庶乎死而不死也故追誌之
且以寄余之思焉榆村記

重修龍泉寺碑記

郡城北四十里水曲郵其南有龍泉寺憶道光戊戌夏余自京師歸曾迂道過其地緣陽水西澣斜穿一徑高槐疎柳綠陰相接行四五里渡河而東豁然開朗則龍泉寺在焉是時解裝小憩夕陽在山寺所由來概不暇詳但周視院宇佛殿山門蓬蒿滿目心焉傷之竊歎斷垣缺整之不可復爲也以是低徊者久之咸豐辛酉邑有警居民大驚運郵置砦以守時避難父老婦地焚香淚血告佛禱有靈驗明年寇退迺六一堂文集

卷二

三八

謀更新釀賞欽材人歡趨之寺創始不可考惟

國朝乾隆壬辰圯而再復前輩朱廷基先生捐貲倡修

碑刻尙存是年春卽循其舊規興葺之丹雘塗墍堂

階戶祀無復改作事竣門人趙永華黃繡文等約余

復遊其地因求所謂龍泉者蓋陽水自南來東津入

焉寺適當其合流處嵯根有泉噴湧身溢深不可竭

謂之龍泉夏秋之交汪洋澎湃爲吾邑巨觀寺以是

得名寺院宇不甚闕敞北爲佛殿其西起茅屋三間

黃生言其先大人曾讀書其地蓋前輩建義學處也

主人延客入寬間深靜心目開爽戶外老松數株虬
枝斜影掩映几案余顧而樂之謂自今伊始清曉齋
蔬黃昏鐘鼓導迎善氣發人深省且異日學士文人
復會於此明窗素壁水繞山環晦明變化別開生面
是又詩文中江山助也其爲福於一方豈淺尅哉余
嘗慨人心之感自梁武帝崇佛寺歷代效之至元明
猶然如吾邑齊武平間建龍興寺碑陰有李邕大書
劈山廣福寺其上有清仁壽中石刻閱其文則祝釐
之辭而孟弼書者是言沿佞佛餘習吾所不取今是
舉也仍舊貫啟後人篤敬信而無私睦於是乎在至
於福田利益諸君子意不在此余亦謂作善降祥自
有靈應無俟筆墨之侈陳也故不復云

馬家埠文官果記

余村西三里而近曰馬家埠村南北多果樹相傳爲前明石氏園其遺址不可考惟中有文官一株云是恭襄公手植者樹高四五尺枝葉旁敷亭亭似蓋奇古大可合抱皮作爛鐵色蓋飽經霜雪矣歲五月余以送客過其地有丈人曳杖來賢而隱者也揖余坐倚樹作世外談余問之曰文官美名也世俗端陽令節官僚饋獻師友往來每用此果重其名也然果何以得此文人曰有說焉是果甘脆不及諸品然剖

六一堂文集

卷二

四

食之清淡有遺味類文之有品者三春花時穠李天桃燦列如錦而是果孤芳冷豔不與爭妍類官之有守者名之曰文官蓋貴之也貴之若文林果大夫松類也余又曰石氏以文得官者也是果託庇宇下二百年來斤斧無傷或亦尙書遺澤與丈人曰否石氏嘗故明盛時身處卿佐甲第蟬聯園宅壯麗與公侯等然而勲名節義無可紀述卽所植佳花美木亦未聞若歐公之柳寇公之柏有思其人愛其樹者是果不材自晦得終天年是此樹不因石氏貴而石氏

轉因此樹傳也然則石氏之爲文官其視此樹何如
耶余聞之作而起曰先生確而辨知此可以爲文可
以居官矣翼曰歸乃誌之存其樹所以爲官戒也同
治乙丑閏五月念三日榆村記



馬陵臺記

壽光縣境有九臺其一曰馬陵距洱西三里者是齊
乘云臧臺西五里有馬陵水經注詳晉龍驤將軍墓
云旁有冢甚高大是謂焉陵一曰馬陵皆誤也臺僻
在遐陬人跡罕到地周圍十餘里岡陵四合隱然如
大環而臺峙其中形狹而長高三仞縱可十餘丈殆
卽古馬鬣封之謂與余自道光辛卯客是邑每佳節
令辰偕朋輩三五人觴咏其上臺之北曰三元莊多
果樹牆根屋角杏花桃葉掩映扶疏妙有花林野趣

其南地平下土人謂之臺窪土厚而沃夏秋之交連
阡接陌禾黍油油彌望無際是時朝野無事民物滋
豐憑高四顧宛然一幅幽風圖也厥後余南歸羈縲
名場東西遊走二十年不至其處咸豐辛酉兩經兵
燹村人於此置砦以守繚以周垣環以旗鼓臺上下
兩層炊烟繚繞廬舍參差荒邱風景全似村落矣世
運之推移陵谷之變遷可勝歎歎余居去茲臺僅數
里昔年勝遊歲凡數至今幾四十年矣生逢太平晚
遭離亂故交零落景物全非迴憶遊目騁懷登高臨

流之樂邈不可得余誌之蓋不勝盛衰之感云同治
乙丑八月二日榆村老人記

六一堂文集

卷二

四



李節婦傳

古所稱死而不朽者求之巾幗中節孝也然其間境
過不同艱易亦異其必存遺孤莫宗祏承先啟後慎
始敬終然後可以作則閉門聲施後世此從容就義
較之慷慨者爲尤難也吾邑李母賈孀人者前輩歲
進士詳正仁字青萬賈老先生孫女詳在黃先生女

歸故處士

詳

聚字萃齋李公孀人生而敏慧甫入門

恪執婦道能婉順舅姑意過姑病孀人晝夜不離每
痰壅喉中以手承之閱兩月餘姑咳唾不至地人稱

六一堂文集

卷二

四十四

其孝萃齋卒孀人年二十八歲而寡是時女僅十齡
嗣君龍岡周歲耳家素貧葬夫後益復不支頽垣壞
壁甃益無朝夕儲孀人躬操作十指戰凍備極荼苦
兒偶恙則呼天而祝曰李氏一線賴有此兒儻有不
測地下人不血食矣言及此雙淚承睫聞者爲之灑
泣兒漸長教之學不爲姑息愛自塾中歸孀人必親
課其業至夜促膝相對一燈熒然母女紡績聲恒與
兒讀書聲相響各也厥後嗣君年及壯積貲成山家
稱少有孀人終身

以聖賢自勵謹身寡過鄉里推爲長者遵母訓也晚
年家益裕田廬整頓孫男繞膝人以爲困已享矣辛
酉之秋邑有警遂以驚悸遇疾委頓牀蓐旣革子孫
男女侍側孺人熟視曰吾操家秉餘四十年艱苦備
嘗今已矣汝輩田可耕書可讀吾見地下人無愧色
也言已而瞑孺人之歿也以寇亂未靖墓隧之文缺
焉卒之四年龍崗手其行畧乞余言以壽諸石余謂
孺人少遭閔凶晚支牖戶克家訓子兩全無憾以是
云從容庶有合乎故書之俾揭於其阡以俟採風者

楊節婦碑

貞節楊母魏孺人吾邑楊君慶吉淑儷也年十九歸慶吉姑早世遺一女尚幼孺人善視之飲食衣履皆出其手舅賢之年未逾艾決意不再娶蓋以新婦婉順能敬承亡姑意也越數年夫病病且彌留孺人口侍湯藥累月不解衣及歿匍匐柩前誓以死從舅急勸止之且曰有婦後可立汝不懼一綫斬乎孺人感悟舅亦心慰將葬大集宗人擇族子爲夫嗣服闋孺人屏絕鉛華躬操作嗣君長具脯脩俸就外傳自塾

中歸雖夜分必執女紅以俟以是舅益喜曰婦若此吾家其有賴矣無何嗣君卒無子兒婦亦相繼逝喪亡頻仍家計益窘舅皤然老矣不得已置繼室復覓族屬繼嗣孫後是時孺人仰事俯畜勤劬備至嗣君歿時遺女孫一甫襁抱孺人推燥濕節煖寒撫養若母妹適人不時饋問每歸挑燈促膝溫言慰藉語及姑不逮養輒潛然淚下曰吾見妹如見吾姑也其至性有如此嗟嗟時窮乃見節義孺人遭家不造矢死靡他崎嶇幾四十年而爲孝婦爲慈母承先啟後艱

苦備嘗嘗之君薨世子殂其家相宗臣匿山蹈海旁
搜遠繼卒能永奠國基世扶宗社無替也豈不偉歟
孺人年過六十矣癸亥之冬蒙 學憲尙公賜額其
閭歲春三月邑紳士又輯其淑德懿行勒之貞珉以
謀不朽余不文爰次其事冀史氏採焉



胡節婦碑

胡母毛孺人守節踰四十年於同治甲子蒙 學憲
趙公匾額其門戚里鄉先生又手其行略乞余言以
壽諸石余旣重孺人之節又嘉諸君子揚善之意不
敢辭也按狀孺人邑前輩毛開訓女營陵故處主胡
春雲配也年十七歸胡公踰年而公病病且彌留旣
革張目謂孺人曰吾死矣親老弟幼悉以累汝慎勿
令泉下人不瞑目也孺人垂涕許之公歿恪守前諾
百折不易服闋後家愈貧事翁姑益謹值歲饑炊烟
六一堂文集 卷二 四八

屢斷朝不謀夕時提筐乞鄰里間然每得一味之甘
必親進匕箸以奉舅姑從未嘗一沾唇吻也公卒時
無子女兩弟皆未婚歷十餘年弟生子漢東舅姑以
爲春雲嗣孺人推燥濕節煖寒鞠育顧復視同己出
舅姑悲且喜每顧孺人而言曰婦孝於我又爲子立
後吾兒爲不亡矣晚年兒漸長孺人以紡績餘貲補
葺舊廬買田數畝畝舅姑殯葬如禮歿之後歲時薦
新不懈益皮嘗自蠶上機風雷驟至沙雹互摧家人

皆大恐少頃孺人緩步至竟無恙人以爲節孝之報

一云嘗按

國家旌揚之典直省大吏歲進數百人然相沿日久漸
溢情實每有不足信當時傳後世者孺人以窮巷寒
乞承先啟後手口卒瘞克有今日他年貞珉猶在干
古如新孺人之苦節奇行當歷久而彌光矣余不文
竊願次其行事以俟後之採風者

六一堂文集

卷二

四十九

劉節婦姓呂氏壽光呂家莊人父輪照幼字益都劉鎮劉公建東年十七歸公甫入門舅不逮養事孀姑恪執婦道有賢淑聲越數年建東忽遭疾婦朝夕侍藥餌罔怠始損及飲食婦如之已而日僅一粥婦如之屬纊之前絕水漿者三日婦亦如之建東卒婦誓以身殉一慟而絕逾時甦始慰諭再三婦感悟惺然曰有婦後可立無婦恐一縶斬矣由是勉起治喪具衣衾棺殮手親理之葬夫後老屋數椽瘠田數畝艱

六一堂文集

卷二

五十

難萬狀度日如年是時門衰祿薄有慘不忍言者惟姑婦相對飲泣而已又數年家漸裕得猶子爲夫嗣婦鞠育恩勤視同己出人以爲困將亨矣無何而婦病病且彌留既革嗣君及家人侍側婦執手大慟曰汝祖母年篤老吾生養死葬有虧婦職汝謹事之未亡人可瞑目也言訖而歿時同治元年婦五十有七是年七月婦姑以壽終葬有日矣嗣君將並伐石誌母墓戚里姻黨恐苦節幽貞久致湮沒請文於余余謂婦承先啟後大節卓卓而力不能上之大吏邀

綸綍一字之褒異日三尺常存一坏未湮過其下者
於荒郊禾黍中摩挲遺文低徊往事婦之懿行或因
得登邑乘而施不朽未可知也爰詳列其事鑄之碑
陰俾採風者有所考云



孫禹門殉節碑

孫公諱龍化字禹門邑望族也少補諸生不株守章句學讀春秋傳崇大義尤喜左氏兵法每爲人稱說侃侃而談精悍之氣見於辭色人或迂笑之公曰昔杜元凱有左癖身不跨馬射不穿札而出奇制勝爲時名將與羊叔子齊名吾異日爲國家宣力當取諸此但恐老諸生毒予耳以是士林壯之咸豐辛酉南寇入東省沿路焚掠居民大驚二月中旬賊逼近淄河店吾青滿兵五百駐河口其外團兵四集互爲犄

角旗鼓相接聯絡爲十餘營公亦以壯士數十人往至徧拜其長策之曰滿兵練於兵甲習於戰攻宜厚與結奉爲前鋒聲勢相倚庶有濟不然吾輩以不教民戰懼不可用也弗聽翼曰晨起賊渡淄鄉兵奮而前將擊之公曰未可因獸猶闕况人乎半濟而後可克軍之善謀也請少待又弗聽少頃衆大至諸鄉兵各四散走公遇戰前後合圍飛矢如雨死傷積野兵盡力窮公刃中要害不得出大呼曰吾當爲厲鬼殺賊耳遂斃嗟嗟土風之壞也往往有讀書道古名列

縉紳值君父之難去之惟恐不速者矣公以貧諸生
折衝禦亂奮不顧身就死如飴豈不毅然奇男子哉
乃以文戰不利不獲握尺寸之柄立功萬里而孤忠
烈節又無力上之大吏榮邀 卹典以施後世余讀
公之行述未嘗不太息流涕而爲士之生斯世者惜
也故錄其殉節顛末刻著於石并列同患者姓名於
左云

誥封雲騎尉邱公殉節碑

公諱鵬雲字程萬中道光乙未科武舉余同年友也
族爲吾邑著姓曾祖寶菴例授登仕郎祖大爲字
世顯從九品世顯公生三子長得衆字仁軒從九品
公生父也次得心武生例千總季得選字中青武
生公生而豪邁中青公無嗣以爲己子鍾愛之幼入
塾父嘗讀史至張中丞死賊事公竊聽擊節歎羨謂
烈丈夫當如是父大喜曰此兒終當爲國家致命矣
公素謹慎恂恂若書生然有異力尤洞悉兵家言咸

六一堂文集

卷三

五四

豐庚申冬南寇不靖勢甚張公吳志禦賊環村近數
百家皆仗劍與之盟糗糧悉出私橐徧給之衆
感奮無一違命者辛酉二月寇轉掠而東公約族叔
庠生得成公居守自以羸士防潞河口二十日晨起
賊突至公奮而前射殺數十人賊稍却少頃大隊齊
至攻圍數匝兵盡矢窮人無尺鐵公怒馬潰圍出曰
吾無顏見鄉村父老矣遂自殺得成公聞敗亦戰死
嗚乎公遭時水過無兵柄無官守特一草莽之臣耳

而以鄉里建兒臨危赴敵死如諸其慷慨義氣真

若張睢陽偕雷南故事異日有心弔古之士於夕陽
古道間摩挲遺文咨訪舊蹟有不追念往事慨然歎
興者乎公卒時年四十有七邑侯陶公爲轉申撫軍
奏聞於 朝家

恩賜金祭葬入祀昭義祠以死事二十人附焉公長子
名琢玉承襲雲騎尉襲次完後給恩騎尉世襲罔替
然則公何嘗不遇哉余交公久知公生平最感其
其殉節顛末表而出之并錄附誌者姓名於左俾
義者知所勉焉

